



NOTA KONSEITU

Forum: "Dalan ba Poder Lokal:

Hamutuk iha Vizaun ba Objetivu Komun no Reforsa Kolaborasaun entre Aileu-Anan ba Poder Lokal"

1. Introdusaun

Governu Timor-Leste kontinua halo esforsu atu implementa dezentralizasaun administrativa territorial (Poder Lokal) ho objetivu atu hakbesik liu servisu públiku ba populasaun no asegura dezvoltamentu lokal mak inkluzivu no sustentável. MAE hala'o ona avaliaasaun kondisaun mínimu iha fulan Dezembru 2025 no rezultadu hatudu katak Munisípiu Aileu tama iha klasifikasaun 'Bom'. Iha dia 26 Feveairu 2026, Sua Exa. PM no Membru Governu sira hala'o vizita ofisiál mai Autoridade Munisipál Aileu hodi rona no haree diretamente kondisaun real munisípiu nian hodi konfirma liutan ho rezultadu avaliaasaun kondisaun mínimu nian. Iha intervensaun no mensajen Sua Exa. PM nian hateten "*Imi tenki unidade iha pensamentu, iha asaun, iha vizaun ba objetivu komun. Ida ne'e maka sei merese simu Governu Lokal*". Munisípiu Aileu, hanesan sentru comunidade ne'ebé forte iha koezaun sosiál, presiza preparasaun ida ne'ebé loos atu aumenta koordinasaun, komunikasaun no partisipasaun husi parte interessadu hotu-hotu ka Aileu-anan tomak.

Forum ida ne'e propoin hodi fó espasu ba diálogu konstrutivu entre veteranu sira, igreja, grupu intelektual Aileu-anan iha nasional no munisípiu, kámara komérsiu no industria (setor privadu munisipál), partidu polítiku, juventude, organizasaun sosiedade sivil, organizasaun feto, ema ho defisiénsia, líder komunitáriu no representante autoridade munisipál no membru-governu Aileu-oan tomak. Objetivu mak atu hamutuk prepara comunidade Aileu ba dezvoltamentu poder lokal ne'ebé transparente, inkluzivu, responsável no sustentável.

2. Objetivu Jerál

Reforsa kolaborasaun serbisu, komunikasaun no partisipasaun efetivu hosi Aileu oan hotu-hotu iha preparasaun ba desentralizasaun no poder lokal iha Autoridade Munisipál Aileu.

3. Objetivu Espesífiku

- Reforsa koordinasaun no tau hanoin hamutuk ba objetivu komun Aileu ba Aileu-anan hotu.
- Identifika forsa no lakunas/frajlidade husi relatóriu avaliaasaun kondisaun mínimu hodi buka opsaun/alternativu hamutuk atu responde.



- Hametin koezaun sosiál nu'udar dalan atu hametin espíritu serbisu hamutuk ba objetivu komun Aileu-anan hotu nian.
- Estabelese mekanismu koordinasaun no komunikasaun kontinua entre parte interessadu sira.

4. Partisipante Sira

- Autoridade Munisipál
- Membru governu atual Aileu-oan: Vise-PM, SEATOU no SEFOPE, Komandante PNTL
- Eis membru governu no deputadu parlamentu nasional: Sr. Constancio Pinto, Sr. Domingos de Carvalho, Sr. Paul Fátima, Sra. Maria Paixão.
- Veteranu sira
- Igreja (Katólíka no Protestante)
- Grupu Intelektual
- Partidu polítiku sira
- Juventude sira
- Organizasaun sosiedade sivil
- Organizasaun feto
- Organizasaun ema ho defisiênsia
- Lider comunidade (suku)
- Setór privadu (kámara komérsiu no indústria)

5. Formatu Enkontru

5.1. Data: 10 de abril de 2026

5.2. Fatin: Salaun Timor Klaran Aileu

5.3. Ajenda

Parte 1: Abertura

- Orasaun



- Diskursu Abertura husi PAM
- Apresentasaun kona-ba rekomendasaun husi AKM (foka ba pontu forte no frajilidades)

Parte 2: Painel Diskusaun

- Painelista hosi parte governu, igreja, veteranu, sociedade sivil, grupu intelektual, organizasaun feto no ema ho difisiente.
 1. Estratejia ba implementasaun poder lokal: Vizaun Política IX Governu Konstitusionál – Sua Exa. SEATOU, Sr. Germano Santa Brites.
 2. *Filosofia Mambae* hodi hametin lerna Aileu: Amigavel, Inkluzividade, Lealdade, Edukadu, Unidade – Pe. Miguel Arcanjo.
 3. Hakat ba poder lokal: Rekursu Intelektual Aileu-anan prontu ona? – Prezidente AILA, Sr. Abílio de Araújo.
 4. Oinsa feto sira-nia prontidaun ba implementasaun poder lokal? – Presidente FADA.
- Pergunta no resposta

Parte 3: Planu Asaun

- Identifika asaun imediatu (3-6 fulan) – Moderador : Abílio de Araújo.
- Estabelese mekanismu koordinasaun

Parte 4: Taka

- Asina akta sobre objetivu komun ba dezvoltamentu Aileu/preparasaun ba Poder Lokal
- Mensajen taka husi PAM

6. Rezultadu Esperadu

- Aumenta kompreensaun kona-ba saída maka presiza prepara ba poder lokal.
- Estabelese plataforma koordinasaun regular entre autoridade munisipál no comunidade.
- Reforsa relasaun konfiansa entre instituisaun governu no kamada sosial iha munisiplu Aileu.



- Dokumentu rekomendasaun/akta rezultadu sorumutuk Aileu-anan ba Autoridade Munisípiu atu integra iha planu anual.

7. Metodolojia

- Apresentasaun interativa
- Diskusaun painel
- Dokumentasaun no síntese rekomendasaun

8. Organizadór

Atividade ida ne'e nu'udar iniciativa hosi Autoridade Munisípiu Aileu bazeia ba rekomendasaun hosi Sua Exelénsia Primeiru-Ministru, Kayrala Xanana Gusmão, iha ninia vizita mai Munisípiu Aileu, iha loron 26 febreiru 2026. Nune'e, Komisaun Organizadora sei kompostu husi:

Konselleiru: Sr. João Bosco dos Santos (PAM).

Prezidente: Sr. Rogerio da Conceição (Secam Asuntu Sosiál)

Vice-Prezidente:

1. Sr. José Vicente Vila Nova (Secam AF)
2. Sr. Francisco A. Martins (Secam PIDI).

Sekretáriadu:

1. Sr. Gabriel Mendonça (Xefe Gabinete);
2. Sr. Marcelo Faria Pinheiro (Diretór AP)
3. Sr. Afonso Sarmento Mendonça (Assessor)

Seksaun Finansas: Diretór Finansas no ekipa.

Seksaun Protokular: Diretór RH no ekipa

Seksaun Dekorasaun: Diretór Saúde no Diretora Edukasaun no ekipa Saúde & Edukasaun.

Seksaun Lojístika: Diretór Lojístika no ekipa.

Aileu, 23 de março de 2026

João Bosco dos Santos
Prezidente Autoridade Municipal Aileu





Aileu, 27 de março de 2026

Exelentíssimu

Nú Ref : 128 / Gab. PAM Ail/III/2026

Asuntu : **Konvite - Forum: "Dalan ba Poder Lokal"**

Prezadu Sr/a,

Iha dia 26 Feveireiru 2026, Sua Exa. Primeiru-Ministru no membru Governu sira hala'o vizita ofisiál mai Autoridade Munisipál Aileu hodi rona no haree diretamente kondisaun real munisípiu nian hodi konfirma liutan ho rezultadu avaliasaun kondisaun mínimu nian. Iha intervensaun no mensajen Sua Exa. PM nian hateten "*Imi tenki unidade iha pensamentu, iha asaun, iha vizaun ba objetivu komun. Ida ne'e maka sei merese simu Governu Lokal*". Munisípiu Aileu, hanesan sentru comunidade ne'ebé forte iha koezaun sosiál, presiza preparasaun ida ne'ebé loos atu aumenta koordinasaun, komunikasaun no partisipasaun husi parte interesadu hotu-hotu ka Aileu-anan tomak.

Nune'e, Autoridade Munisipál Aileu sei organiza **Forum "Dalan ba Poder Lokal": Hamutuk iha Vizaun ba Objetivu Komun no Reforsa Kolaborasaun entre Aileu-Anan ba Poder Lokal** ne'ebé sei realiza iha:

Data: 10 de abril de 2026

Fatin: Salaun Timor Klaran (Aileu)

Horas: 8h30 – 17h00

Autoridade Munisipál Aileu konta ho prezensa hosi ita-boot sira, hodi bele hametin liu tan "*unidade iha pensamentu, iha asaun, iha vizaun ba objetivu komun*" Aileu oan tomak nian, hodi prepara ba implementasaun poder lokal.

Maka ne'e de'it ami-nia konvite, ba kooperasaun no servisu hamutuk, ami hato'o obrigadu wa'in.

João Bosco dos Santos
Presidente Autoridade Munisipál Aileu





Ajenda:

**Forum “Dalan ba Poder Lokal”: Hamutuk iha Vizaun ba Objetivu Komun no Reforsa
Kolaborasaun entre Aileu-Anan ba Poder Lokal”**

Salaun Timor Klaran, 10 de abril de 2026

Horas	Atividade	Responsável
8h30-9h00	Rejistu partisipantes	SMARH no GAT
9h00-9h05	Hino Nasionál no <i>Um minuto de silêncio</i>	PAM
9h05-9h20	Orasaun	Pe. Vigáriu
9h20-9h30	Diskursu abertura hosi PAM	PAM
9h30-9h35	Sesaun Foto hamutuk	Media GAT
9h35-10h00	Aprezentasaun kona-ba rekomendasaun husi Avaliasaun Kondisaun Mínima	GAT
10h00-10h30	Pauza ba Kafé Dader	Partisipante sira hotu
10h30-12h30	Painel: Estratejia ba implementasaun poder lokal: Vizaun Politika IX Governu Konstitusional – Sua Exa. SEATOU, Sr. Germano Santa Brites (25 minutos). <i>Filosofia Mambae</i> hodi hametin lerna Aileu: Amigavel, Inkluzividade, Lealdade, Edukadu, Unidade – Pe. Miguel da Costa (25 minutos). Hakat ba poder lokal: Rekursu Intelektual Aileu-anan prontu ona? – Prezidente AILA, Sr. Abílio de Araújo (25 minutos). Oinsa feto sira-nia prontidaun ba implementasaun poder lokal? – Presidente FADA (25 minutos).	Moderadora: Sra. Epi de Orleans
12h10-13h00	Pauza ba Almosu	Partisipante sira hotu
13h00-14h00	Pergunta no resposta	Partisipante sira hotu
14h00-16h00	Identifika asaun imediatu (3–6 fulan) no Estabelese mekanismu koordinasaun	Moderador: Abílio de Araújo
16h00-16h30	Pauza ba Kafé Lorokraik	GAT
16h30-16h45	Asina akta sobre objetivu komun ba desenvolvimento Aileu/preparasaun ba Poder Lokal	Partisipante sira hotu
16h45-17h00	Diskursu Enseramentu	PAM

João Bosco dos Santos

Prezidente Autoridade Município Aileu